

Январь

19/1 Мученика Вонифатия (290).

Тропарь, глас 4

Поро пиалан чыла моктымо Вонифатий, орланыше-влак деке колтымо годым шкежат Христос верч чот индыралтынат да, чын орланыше лийын, тыйым ўшанен колтышо деке шке мошет дене пӱртылынат. Мемнан сулыкнам кудалтыже манын, Христос Юмым сӱрвале.

Кондак, глас 4

Венецым нумалше святой, кугу ушан Вонифатий! Тыланет верч Ёдыр деч Шочшо Христослан тый шкендым яндар жертве семын кумылын конденат.

№59 Величание

Тыйым моктена, тыйым моктена, святой орланыше Вонифатий, да Христос верч орланыметым пагален шарнена.

20/2 Предпразднство Рождества Христова.

Тропарь, глас 4

Вифлеем, ямдылалт, Едем, чылалан почылт, Евфраф, моторлане, вет курыкпомышто Яндар Ёдыр деч илыш пушенге пеледалтын: Тудын кӱргыжӱ – шонымо рай, а тушто – Юмын садше, тушеч кочшо-влак илыше кодына да Адам гае она коло. Сулыкыш камвочшо ончычсо айдемым нӱлталаш манын Христос шочеш.

Кондак, глас 3

Курым дечат ожно улшо Шомакым умылаш лийдымын шочыкташ Яндар Ёдыр таче курыкпомышыш толеш: курым дечат ожно улшо Юмын Иззи Йоча семын шочшашыже нерген колын, тўня, йывырте да Суксо ден кўтўчӱ-влак дене пырля Тудым мокто.

Тропарь праведному Иоанну Кронштадтскому, глас 1

Чын илыше Иоанн ачана, Православный вера верч тыршен, Россий мланде верч ойгырен, священник ден ўшаныше-влаклан корно лийынат, сулыкым касарен, Христос дене ушнен илаш туныктенат, Юмын Таинствыжым шўм пырткен шуктен, ен-шамыч верч лўдде йодынат. Тый ӱрыктарыше пашам ыштыше да паремдыше, Кронштадт олан моктымашыже да Черкын сӱраллыкше улат. Тўнялан тынысым пуыжо да мемнан чоннам утарыже манын, поро Юмым сӱрвале.

Кондак, глас 3

Кронштадтын кўтўчыжӱ таче Юмын престолжо ончылно шога да кўтўчӱ-влакым Вуйлатыше Христосым ўшанле ен-влак верч сӱрвала, вет Тудо мыланна сӱрен: Шке Черкемым нӱлтем да тамыкын омсашт тудым сенен огыт керт.

Величание

Тыйым моктена, тыйым моктена, чын илыше Иоанн ачана, тыйым пагален шарнена, вет тый мемнан верч Христос Юмынам сӱрвалет.

21/3 Мученицы Иулиании и с нею 500 мужей и 130-ти жен, в Никомидии пострадавших (304).

№76 (88) Тропарь, глас 4

Иисус, Тыйын Иулиания пачат кугу йўкын ўжеш: Качем, Тыйым йөрәтем, Тыйым кычалын орланем да пудалалтам, Тыйын пуымо Тынеш пурымаште тоялтам, Тый денет ушнымаште кугыжаланаш манын, Тылат верч орлыкым чытем, да Тый денет пырля илаш манын, Тыланет верч колем, Тыланет йөрәтен кондымо яндар надыр семын мыйым нал. Тудын сөрвалымыж дене, Чаманыше Юмо, мемнан чоннам утаре.

Кондак, глас 3

Иулиания ўдыр, нарашталыкын порылыкшо дене яндарештын, орланымаш венец дене палемдалтынат, мощет деке йодын толшо йорло ден черле-влакым паремдет да утарет, Христос тыйын гоч Юмын порылыкшым да курымашлык илышым шара.

№78 Величание

Тыйым моктена, тыйым моктена, святой орланыше Иулиания, да Христос верч орланыметым пагален шарнена.

22/4 Великомученицы Анастасии Узорешительницы (ок.304).

Тропарь, глас 4

Христосын орланышыже, тыйым сенымашым пуышо Ыльж кыселмаш манын лүмденыт. Христос Качетым йөрәтен, Тудын верч орлыкым чытен, тушманым сененат. Мемнан чоннам утараш Тудым сөрвале.

Кондак, глас 2

Алгаштарымаште да ойгышто улшо-влак, Анастасия, тыйын храмышкет толыт, Юмын тый денет илыше порылыкшын чын пөлекшым налыт, тый вет тўнялан пареммашым эреак пуэт.

Величание

Тыйым моктена, тыйым моктена, святой орланыше Анастасия, да Христос верч орланыметым пагален шарнена.

23/5 Мучеников, иже в Крите: Феодула, Саторнина, Евпора, Геласия,**Евникиана, Зотика, Помпия,****Агафопуса, Василида и Евареста (III).**

Тропарь, глас 3

Чот өрыктарыше Критым моктена, тудо Христосын шерже-влакым, лу чевер пеледышым куштен. Поро чонан да поро пиалан орланыше-влак, те шояк юмылан кумалше калыкым вожылмашке луктын, чап венецым налында.

Кондак, глас 4

Орланыше-влакын ўжараже волгалтын да курыкпомышто Ўдыр деч яндарын Шочшашын чот орланышашыжым ончылгоч ончыктен.

Величание

Тендам моктена, тендам моктена, святой орланыше Феодул, Саторнин, Евпор, Геласий, Евникиан, Зотик, Помпий, Агафопус, Василид ден Еварест, да Христос верч орланымыдам пагален шарнена.

**24/6 Навечерие Рождества Христова
(Рождественский сочельник).**

Тропарь, глас 4

Давид тукым гыч улшо шонго Иосиф дене пырля Вифлеем олаш шотлен возымашке мийымышт годым Мария шке көргыштыжө яндарын Шочшашым нумалын. Йоча ыштышаш жап годым нунылан илаш пураш вер лийын огыл, Царицылан курыкпомыш мотор полат гай чучын. Сулыклан көра йомдарыме айдеме тўсым ылыжтен кынетлаш манын, Христос шочеш.

Кондак, глас 3

Курым дечат ожно улшо Шомакым умылаш лийдымын шочыкташ Яндар Ёдыр таче курыкпомышыш толеш: курым дечат ожно улшо Юмын Изи Йоча семын шочшашыже нерген колын, тўня, йывырте да Суксо ден кўтўчө-влак дене пырля Тудым мокто.

**25/7 Рождество Господа Бога и
Спаса нашего Иисуса Христа.**

Тропарь, глас 4

Мемнан Христос Юмына, Тыйын шочмет дене калыклан чын палымаш волгалтын: шўдырым палыше-шамыч кече лекмаш могыр гыч кўшычын пален, шўдыр дене Тыланет, чынын Кечылан, тунам кумалаш тунемыныт. Тау Тыланет, Юмо.

Кондак, глас 3

Таче Ёдыр курым дечат ожно улшым шочыкта. Лишкыжат мияш лийдымылан мланде курыкпомышто верым пуа; суксо-влак кўтўчө-шамыч дене пырля Юмым моктат, кугу ушан айдеме-шамыч шўдыр почеш мият: курымак улшо Юмо, изи Аза лийын, мемнан верчна шочын.

Величание

Тыйым моктена, Тыйым моктена, Илышым пуышо Христос, Юмын ойырен налме Эн Яндар Ёдыр Мария деч мемнан верч кап дене шочметлан моктена.

26/8 Попразднство Рождества Христова.

Собор Пресвятой Богородицы.

Тропарь Собору Пресвятой Богородицы, глас 4

Юмым Шочыктышо Эн Яндар Ава, Тыйын моктымо Погынет тўрлө порылык дене сорастаралтын да Тылат, Госпожа, шуко ен надырым конда, мемнан сулыкеш кылдалтмынам Шке чаманымашет дене руден кудалте да чоннам утаре.

Кондак, глас 6

Поро пиалан Мария, эр ўжара деч ончыч ава деч посна Ача деч Шочшо таче мландымбалне ача деч посна Тый дечет шочеш, тидымак мудреч-влаклан шўдыр порын увертара, суксо ден кўтўчө-влак Тыйын өрыктарышын шочыктыметым моктен мурат.

27/9 Апостола первомученика и архидиакона Стефана (34).

Тропарь, глас 4

Христосын икымше орланышыже, апостол да архидиакон Стефан, порым ыштымет дене тый орландарыше-влакын шояштым чараш луктынат. Закондымын илыше-влак тыйын ўмбакет кўым кышкеныт, а тый, кўшылсө куат деч венецым налын, Юмо деч йодынат: Господь, нунын тиде языкыштым ит шотло.

Кондак, глас 3

Владыка тенгече мемнан деке кап дене толын, а таче кулжын чонжо лектеш; Кугыжаланыше тенгече кап дене шочын, кулжо таче кў дене кыралтеш. Юмын енже Стефан, икымше орланыше, тыге кола.

Величание

Тыйым моктена, тыйым моктена, икымше орланыше архидиакон Стефан, да Христос верч орланыметым пагален шарнена.

28/10 Мучеников 20000, в Никомидии в церкви сожженных, и прочих, тамо же вне церкви пострадавших (302).

Тропарь, глас 2

Господьын орланышыже-влак, тендан вўрда дене нўрышў мланде поро пиалан, тендан капдан кийыме вер-влак святой улыт. Подвигада дене тушманым сенен, поро Христослан ўшанымыдам лўддымын почын ойленда. Мемнан чоннам утараш Тудым сўрвалыза.

Кондак, глас тойже

Тулышто йўлышў коло тўжем святой орланыше, ўшанымаште чонда дене пенгыде лийын, те Ёдыр деч Шочшым сўрваленда: Курым дечат ончыч улшо Юмо, Тыйын верч йўлен колымынам Персий гыч толшо кугыжа-влакын шўртным, миром да ладаным кондымышт семын нал.

Величание

Тендам моктена, тендам моктена, Никомидийысе орланыше-влак, да Христос верч орланымыдам пагален шарнена.

29/11 Мучеников 14000 младенцев, от Ирода в Вифлееме избивенных (I).

Тропарь, глас 1

Айдемым йўратыше Господь, святой орланыше-влакын Тыйын верч йўсланымышт дене сўрвалена да, мемнан чыла чернам паремде манын, йодына.

Кондак, глас 4

Шўдыр мудреч-влакым Шочшо Аза деке колтен, а шепкаште Аза семын кийышым пушташ шонен, Ирод осал сарзе-влакым колтен.

Величание

Тендам моктена, тендам моктена, латныл тўжем святой йоча, Иудейысе Вифлиеемыште Ирод деч пуштмо-влак, да Христос верч орланымыдам пагален шарнена.

30/12 Святителя Макария, митрополита Московского (1563).

Тропарь, глас 4

Кугу священник да тўнямбалысе туныктышо-влак дене ик койышан да ик шонымашан святитель Макарий. Юмын кугу уш-акылжылан служитлыше да поро пиалым ончыктышо лўмым нумалше ачана, ўшаныше-влак таче чылан тыланет мурена: тўнялан тынысым пуаш да мемнан чоннам утараш Христос Юмым сўрвале.

Кондак, глас 3

Святитель Макарий, Юмын пуымо уш-акылан туныктымет да книгам возымет дене Российысе калыкым волгалтарен, мемнан мландысе святой-влакым чапландаренат, сандене тыйым чудым ыштыше манын лүмденыт. Тый престол ончылно ончыч служитлыше иерарх-влакым алмаштенат. Ёшанымашна да поро койыш-шоктышна аралалт кодшо манын, мемнан верч кумал.

Величание

Тыйым моктена, тыйым моктена, святитель Макарий ачана, тыйым пагален шарнена, вет тый мемнан верч Христос Юмынам сөрвалет.

31/13 Отдание праздника Рождества Христова. Преподобной Мелании Римляныни (439).

№82 (70) Тропарь, глас 8

Преподобный Меланий авана, мыланна Юмын пуымо тус тый денет түрыс аралалтын: вет шке Ыресетым налын, тый Христос почеш каенат да, пытышаш капым коранден, колыдымо чон верч тыршаш пашат дене туныктенат, сандене тыйын шўлышет Суксо-влак дене пырля куана.

№83 Кондак, глас 2

Преподобный Меланий авана, Господьым йоратымет верч тый тыныс илыш деч коранынат, пўтым кучен, шўлышетым сотемдаренат да янлык-влакым лўддымын сененат; мемнан ваштареш шогышо-влакымат шке кумалмет дене шалатен колто.

№84 Величание

Поро пиалан улметым моктена, Юмылан йорышө Меланий авана, тыйым пагален шарнена, вет тый мемнан верч Христос Юмынам сөрвалет.

1/14 Обрезание Господа Бога и Спаса нашего Иисуса Христа. Святителя Василия Великого, архиепископа Кесарии Каппадокийской (379).

Тропарь Обрезанию Господню, глас 1

Тўнгалтышдыме Ачат да Шке Юмын Шўлышет дене Пылпомышто тул дене волгалтше престолышто шинчыше Иисус, Тый мландымбалне Шке Ават деч, пөрьеным палыдыме Яндар Ёдыр деч, шочаш кōненат, сандене кандашымше кечын моло айдеме семынак Тыланет пўчмō йўлам шуктеныт.

Икте Айдемым йоратыше, Тыйын поро Кангашетлан тау, Тыйын ончылгоч шонен ямдылыметлан тау, Тыйын волыметлан тау.

Кондак праздника, глас 3

Чылаштын Господышо пўчмō йўлам эрта да поро улмыж дене ен-влакын сулыкыштым пўчкын ойыра, тўнялан утарымашым тиде кечын пуа. Пылпомышто Пўрышын священникше да Христосын Таинствыжын волгыдо служительже Василий куана.

Величание

Тыйым моктена, Тыйым моктена, Илышым пуышо Христос, да Тыйын эн яндар капетлан пўчмō йўлам шуктымым моктена.

Тропарь святителю, глас 1

Мутетым йөрәтен налмылан көра увертарымашет мланде мучко шарлен, тый вет ұшанымашын чынжым да тўняште мо улмым шот дене умылтаренат, ең-влакын илыш-йўлаштым саемденат. Преподобный ачана, Кугыжан священникше, чоннам утарышаш верч Христос Юмым сөрвалә.

Кондак святителю, глас 4

Преподобный Василий ачана, тый Черкын тарваташ лийдыме негызше лийынат, пылпомышысо чыным почын туныктымәт дене кажне айдемым палемденат да тўкаш лийдыме поянлык дене теменат.

Величание

Тыйым моктена, тыйым моктена, святитель Василий ачана, тыйым пагален шарнена, вет тый мемнан верч Христос Юмынам сөрваләт.

2/15 Предпразднство Богоявления. Преставление (1833), второе обретение мощей (1991) преподобного Серафима, Саровского чудотворца.

Тропарь Предпразднству, глас 4

Завулон, ямдылалт, Неффалим, моторлане, Иордан энгер, шогал, тынеш пураш толшо Владыкым модын нөлтәл. Адам, кугезе авана дене пырля йывырте, райыште шылмет гае ит шыл, вет тендам чарам ужшо толеш да икымше вургемдам чикта: Христос чыла чонаным уэмдаш толеш.

Кондак, глас 4

Иордан вўдыштө улмыж годым Господь Иоаннлан ойла: Мыйым тынеш пурташ ит лўд, Мый икымше айдемым, Адамым, утараш толынам.

Тропарь Серафиму Саровскому, глас 4

Поро пиалан, изиет годсекак Христосым йөрәтенат. Тудлан, Иктылан, тул гай служитлаш шоненат, чарныде кумалмет да пашат дене ең уке верыште чот тыршенат, пушкыдо шўмет дене Христосын йөрәтымашыжым погенат. Юмын Аважын ойырен йөрәтымыже лийынат, сандене тыйым чотак йодына: мемнан преподобный Серафим ачана, шке кумалмет дене мемнам утаре.

Кондак, глас 2

Преподобный Серафим ачана, тўнян чевержым да тысе вашке пытышашым коден, Саровысо обительыш илаш пуренат. Тушто суксо семын илен, шуко енлан утаралташ корно лийынат, сандене Христос тыйым чапландарен, паремдыме да чудо-влакым ыштен кертме дене пойдарен. Ме тыйым сөрваләна: Юмылан йөрышө Серафим ачана, куане.

Величание

Поро пиалан улметым моктена, Юмылан йөрышө Серафим ачана, тыйым пагален шарнена, вет тый монах-влакым виктарыше да суксо-влак дене мутланыше улат.

3/16 Пророка Малахии (400 г.до Р.Х).

№33 Тропарь, глас 2

Господь, Тыйын Малахий пророкытым шарныме кечым пайремләна, да тудым ўжын, Тыйым сөрваләна: мемнан чоннам утаре.

Кондак, глас 4

Пророк ачана, ончык ужын каласымаш дене пойдаралтын, Христос толшашым да тўнян утаралтшашым ончылгоч увертаренат, сандене тўня Юмын шомак дене волгалтын.

№35 Величание

Тыйым моктена, тыйым моктена, Юмын пророкшо Малахий, тыйым пагален шарнена, вет тый мемнан верч Христос Юмынам сөрвалет.

4/17 Собор 70-ти апостолов.

№40 Тропарь, глас 3

Святой апостол-влак, мемнан чонлан сулык касарымашым пуыжо манын, чаманыше Юмым сөрвалыза.

Кондак, глас 2

Христосын шымле Божественный тунемшыжым ме, ўшаныше-влак, муру дене Юмылан йөрышын моктена да Ойырлыдымо Святой Троицым мокташ нунын деч тунемына, вет нуно Юмылан ўшанымашын волгыдыштыжо улыт.

№42 Величание

Тендам моктена, тендам моктена, святой апостол-влак, шке туныктымыда дене уло тўням волгалтарен, тўнян чыла ужашыжым Христос деке конденда.

5/18 Навечерие Богоявления (Крещенский сочельник).

Тропарь, глас 4

Кавашке Илиян нөлталтмыж годым Елиссейын вургемже дене Иордан энгер мөнгеш савырнен да кок могырыш шелалтын, вўдыштө тудлан кукшо корно почылтын, тидыже Тынеш пурымо гоч илышнам сайын эртымыжым ончыкта: вет Христос Иорданышке вўдым святитлаш толын.

Кондак, глас тойже

Иордан вўдыш таче Господь толын да Иоаннлан оила: Мыйым тынеш пурташ ит лўд, вет Мый Адамым, икымше айдемым, утараш толынам.

**6/19 Святое Богоявление. Крещение Господа Бога и
Спаса нашего Иисуса Христа.**

Тропарь, глас 1

Христос Юмо, Иордан вўдеш Тыйын тынеш пурымет годым Юмын Кумытло улмыжлан кумалаш раш палыме лийын: Ача Юмын йөкшө Тыйым «пеш йоратыме Эргом» манын каласен, Святой Шўлыш көгөрчен гай кончен да Ача Юмын шомакшым ўшандарен. Калыкым туныкташ толшо Христос Юмо, тау Тыланет.

Кондак, глас 4

Юмо, таче Тый тўнялан почылтынат: мыланна, Тыйым пален мурышо-шамычлан, Тыйын волгыдет волгалтын. Тый толынат, да лишкет мяш лийдыме Волгыдо кончен.

Величание

Тыйым моктена, Тыйым моктена, Илышым пуышо Христос, мемнан верч Иордан вўдеш Иоанн деч кап дене тынеш пурыметлан моктена.

**7/20 Попразднство Богоявления. Собор Предтечи и Крестителя Господня
Иоанна.**

Тропарь, глас 2

Чын ылыше айдемым моктен шарнат. Христос ончыч Толшо, тыйын нерген Господын каласымыжат ситыше. Тудым Иордан вүдеш тынеш пуртымет дене чыла пророк коклаште эн пагалыме улат. Чын верч орланыметлан куаненат, тамыкыште улшо-влаклан тый капан лийше Юмо нерген поро уверым пуэнат: вет Тудо тўнян сулыкшым Шке ўмбакыже налын да мыланна кугу чаманымашыжым пуэн.

Кондак, глас 6

Тыйын кап дене толмет деч лўдын, Иордан вүд мўнгеш савырнен, пророк пашам шуктышо Иоанн аптыранен, Тыйын кап дене тынеш пурыметым ужын, суксо-влак чот ўрыныт, а пычкемышыште улшо-влак волгалтыныт, Тыйын толметым да Юмын шомак дене волгалтарыметым моктен муреныт.

Величание

Тыйым моктена, тыйым моктена, Утарыше Христос деч ончыч толшо Иоанн, да тыйын чот пагалыме погынетым чылан моктена.

8/21 Преподобных Георгия Хозевита (VII) и Емилиана исповедника (IX).

№46 (54) Тропарь, глас 4

Мемнан ачана-шамычын Юмыжо, мыланна эре Шке ўнгышылыкчет почеш ыштыше, Шке чаманымашетым мемнан деч ит коранде, святой-шамычын кумалмышт дене ылышнам тынысын виктаре.

Кондак преподобному Георгию Хозевиту, глас 4

Георгий ачана, тый волгыдо кече семын толынат да ўшан дене тыйым ўжшў-влакым Юмын ўжара дене волгалтаренат: Иордан вүдеш толшо да мландымбалысе-влакым Юмын шомак дене волгалтарыше Христос Юмым мемнан верч сўрвале.

Кондак преподобному Емилиану исповеднику, глас 3

Емилиан ачана, кончышо Святой Троице верч лўдде кучедалметым черке мурен чапландара, вет Тудын верч орланенат, сандене тыйым пагален шарнена. Чын Юмым палыдыме-влакын керылт пурымышт деч шке кулет-влакым арале.

№48 Величание

Тендам моктена, тендам моктена, святой Георгий ден Емилиан ача-влак, тендам пагален шарнена, вет те мемнан верч Христос Юмынам сўрвалета.

9/22 Мученика Полиевкта (259).

№57 Тропарь, глас 4

Господь, Тыйын орланышет Полиевкт индыралтмыж верч Тый дечет, мемнан Юмына деч, курымашлык венецым налын: орландарыше-влакым Тыйын пуымо виет дене сўмырал шуэн да ия-влакын тептердыме ўчыштым шалатен. Тудын молитваже дене мемнан чоннам утаре.

Кондак, глас тойже

Утарыше Христос, вуйжым Иорданыш пўгыртымў дене, кишке-влакын вуйыштым шалатен. Полиевктын руалме вуйжо моктаныше-влакым вожылмашыш пуртен.

№59 Величание

Тыйым моктена, тыйым моктена, святой орланыше Полиевкт, да Христос верч орланыметым пагален шарнена.

10/23 Святителя Григория, епископа Нисского (после 394).

№46 (54) Тропарь, глас 4

Мемнан ачана-шамычын Юмыжо, мыланна эре Шке ўнгышылыкет почеш ыштыше, Шке чаманымашетым мемнан деч ит коранде, святой-шамычын кумалмышт дене илышнам тынысын вистаре.

Кондак, глас 1

Кугу ушан святитель Григорий, шўм-чон шинчат дене тўткў лийын, тўняшке чолга кўтўчў семын толынат, пире гай осал ен-влакым тый порын тыршымет да уш-акылетын кўртнў пондыж дене поктен колтенат, кўтўэтым тичмашын арален коденат.

Величание

Тыйым моктена, тыйым моктена, святитель Григорий ачана, тыйым пагален шарнена, вет тый мемнан верч Христос Юмынам сўрвалет.

11/24 Преподобного Феодосия Великого, общих житий начальника (529).

№51 Ин тропарь, глас 8

Феодосий ачана, шинчавўд йогынет дене ир мландым нўртенат да чот ойгырен шортмет дене паша саскатым шўдў пачаш шукемденат, чудо-влакет дене волгалтын, сандалыкым волгалтарыше лийынат, мемнан чоннам утарыже манын, Христос Юмым сўрвале.

Кондак, глас тойже

Юмын кудывечысе кўтўн вуйлатышыже, тый Господын кудывечыштыже шындыме улат да Юмылан йўрышў пашат дене моторын пеледалтынат, шинчавўдет дене йўктымў ир мландеш шке шочшет-влакым шукемденат. Тыланет мурена: Феодосий ачана, куане.

№53 (56) Величание

Поро пиалан улметым моктена, Юмылан йўрышў Феодосий ачана, тыйым пагален шарнена, вет тый монах-влакым вистарыше да суксо-влак дене мутланыше улат.

12/25 Мученицы Татианы и с нею в Риме пострадавших (226-235).

№76 (88) Тропарь, глас 4

Иисус, Тыйын Татiana пачат кугу йўкын ўжеш: Качем, Тыйым йўратем, Тыйым кычалын орланем да пудалалтам, Тыйын пуымо Тынеш пурымаште тоялтам, Тый денет ушнымаште кугыжаланаш манын, Тылат верч орлыкым чытем, да Тый денет пырля илаш манын, Тыланет верч колем, Тыланет йўратен кондымо яндар надыр семын мыйым нал. Тудын сўрвалымыж дене, Чаманыше Юмо, мемнан чоннам утаре.

Кондак, глас тойже

Орланыше Татiana, шке орланымет дене чот волгалтынат, вўрет дене сўрастаралтын, сылне кўгўрчен семын Пылпомышко нўлталтынат, тыйым пагалыше-влак верч Юмым эре сўрвале.

№78 Величание

Тыйым моктена, тыйым моктена, святой орланыше Татiana, да Христос верч орланыметым пагален шарнена.

13/26 Преподобного Иринарха, затворника Ростовского (1616).

Тропарь, глас 4

Шке кумылын орланыше да Юмылан йöрышö-влакым сöрастарыше Иринархым, Ростов мландын шудырым, шкенжым шке петырыме дене шыгырым, шинчырым чытыме дене Господьлан йöрышым да Тудын деч чудым ыштыме порылыкым налшым ме муро дене моктена да шортын йодына: преподобный ачана, мемнан чоннам утарыже манын, Христос Юмым сөрвале.

Кондак, глас 2

Чытыше шум-чонан Иринарх, торжа илышыште шуко орлыкым ужын, тый поктылмашым, шкем петырмашым, күртнö шинчырым лүдде чытенат да чот орланымаш ден кугу чытымашым ончыктенат, шугарет деке ушан дене толшо-влакым öрыктарыше чудо-влак дене волгалтарет. Неле шинчырет гоч сенымашетын чапшым ужына, вет черле-влаклан тудын гоч пареммашым пуэт, сандене тыланет мурена: öрыктарыше Иринарх ачана, куане.

Величание

Поро пиалан улметым моктена, преподобный Иринарх ачана, тыйым пагален шарнена, вет тый монах-влакым виктарыше да суксо-влак дене мутланыше улат.

14/27 Отдание праздника Богоявления (Крещения). Преподобных отец, в Синае и Раифе избивенных (IV-V).

№46 (54) Тропарь, глас 4

Мемнан ачана-шамычын Юмыжо, мыланна эре Шке унгышылыккет почеш ыштыше, Шке чаманымашетым мемнан деч ит коранге, святой-шамычын кумалмышт дене илышнам тынысын виктаре.

Кондак, глас 2

Мландымбалысе арам мутланымаш деч корангын, шып верышке илаш кусненда, вур марте орланымаш да пүтым кучымаш дене венчаялтын, орланыше да преподобный-влак дене пырля илаш йöрышö лийында.

Величание

Поро пиалан улмыдам моктена, Синай ден Раифыште орландарен пуштмо преподобный ачана-влак, тендам пагален шарнена, вет те монах-влакым виктарыше да суксо-влак дене мутланыше улыда.

Тропарь равноапостольной Нине, глас 4

Юмын Шомаклан служитлыше, апостол-влак дене төр улшо Нина, нунын туныктымо пашаштым шуктышо Андрей Первозванный да моло апостол-влак гай тыршыше, Иверийым Юмын шомак дене волгалтарыше да Святой Шүлышын күслеже, мемнан чоннам утараш Христос Юмым сөрвале.

**15/28 Преподобных Павла Фивейского (341) и
Иоанна Кущника (V).**

№46 (54) Тропарь, глас 4

Мемнан ачана-шамычын Юмыжо, мыланна эре Шке ўнгышылыкет почеш ыштыше улат, Шке чаманымашетым мемнан деч ит коранде, святой-шамычын кумалмышт дене илышнам тынысын виктаре.

Кондак, преподобному Павлу Фивейскому, глас 3

Уш-акыл Кечын эре йўлышö волгыдыжым таче погынен моктена, вет тудо чын Юмым палыдыме пычкемыште улшо-влаклан волгалтын да чылаштым Юмын күкшытыш нөлталын. Преподобный Павел ачана, тый Фивейын моторлыкшо, ачана да пўтым кучышо-влакын пенгыде негызше улат.

Кондак преподобному Иоанну Кущнику, глас 2

Кугу уш-акылан Иоанн, шолышташ лийдыме йорлылыкым йөрарен, ача-аватын поянлыкшым ужмышудымо лийынат, Евангелийым кидышкет кучен, мемнан верч чарныде кумалын, Христос Юмо почеш каенат.

Величание

Поро пиалан улмыдам моктена, преподобный Павел ден Иоанн ачана-влак, тендам пагален шарнена, вет те монах-влакым виктарыше да суксо-влак дене мутланыше улыда.

16/29 Поклонение честным веригам апостола Петра.

Тропарь, глас 4

Римым кодыде, кугун пагалыме шинчырет дене мемнан деке толынат. Апостол-влакын кугуракышт, тыйын шинчырет деке ўшан дене толына да сөрвалена: Юмылан кумалмет дене мыланна кугу чаманымашым пу.

Кондак, глас 2

Кугун пагалыме Петрым, апостол-влакын кугуракыштым да икымшым, Юмын чын тунемшыжым, моктена да языкнам кудалташ полшышо шинчыржым ўшан дене шупшалына.

17/30 Преподобного Антония Великого (356).

Тропарь, глас 4

Юмылан йөрышö Антоний ачана, чот тыршыше Илиян койыш-шоктышыжым налын, Тынеш пуртышо Иоаннын чын корныж дене каен, ир мландыште иленат, кумалмет дене тўням пенгыдемденат. Мемнан чоннам утарыже манын, Христос Юмым чот сөрвале.

Кондак, глас 2

Юмылан йөрышö Антоний ачана, мландымбалысе арам мутланымаш деч корангын, илышетым шып мучашленат, чылажымат Тынеш пуртышо Иоанн семын ыштенат. Тудын дене пырля тыйым, ачана-шамычын вуйлатышыштым, жаплена.

Величание

Поро пиалан улметым моктена, Юмылан йөрышö Антоний ачана, тыйым пагален шарнена, вет тый монах-влакым виктарыше да суксо-влак дене мутланыше улат.

**18/31 Святителей Афанасия (373) и Кирилла (444), архиепископов
Александрийских.**

Тропарь, глас 3

Православийын пашажым волгалтарен, осалын чапшым пытарен, сенгыше да сенымашым кондышо лийында, поро койыш-шоктыш дене чылаштым пойдарен, Черкым моторын сӧрастарен, кугу чаманымашым пуышо Христос Юмым муында.

Кондак, глас 4

Поро койыш-шоктышын священный вуйлатышышт да Христос Черкын поро аралышыже-шамыч, «Чаманыде Пуышо Юмо, Тыйым ўшан дене пагалыше-влакым утаре» манын мурышо-влакым перегыза.

Величание

Тендам моктена, тендам моктена, кугу святитель Афанасий ден Кирилл ачана-влак, тендам пагален шарнена, вет те мемнан верч Христос Юмынам сӧрваледа.